


კავკასიის ეკონომიკის ყოველთვიური
მიმოხილვა
ივლისი 2025





ეკონომიკური ზრდა



2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შეღარებით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენელდა. იანვარ-მაისში კავკასიის ეკონომიკა 4.7%-ით გაიზარდა.


✚ 2024 წელს საქართველოს ეკონომიკა 9.5%-ით გაიზარდა. მიმდინარე წლის იანვარ-მაისში ეკონომიკა 8.8%-ით გაფართოვდა. ზრდაში მნიშვნელოვანი წვლილი ტრანსპორტის, დამამუშავებელი მრეწველობის, ვაჭრობის, მშენებლობის და ტელეკომუნიკაციების სექტორებმა შეიტანა. კლება დაფიქსირდა ენერგეტიკის დარგში.

🇦🇷 2024 წელს სომხეთის ეკონომიკა 8%-ით გაიზარდა. მიმდინარე წლის იანვარ-მაისში ეკონომიკა 5.7%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 4.2%-ით მოიმატა, სამშენებლო დარგმა კი - 17.1% -ით. მომსახურებაში გამოშვება კი 10.1%-ით გაფართოვდა.

🇦🇲 2024 წელს აზერბაიჯანის ეკონომიკა 4.1%-ით გაფართოვდა. მიმდინარე წლის იანვარ-მაისში ეკონომიკა 1.5%-ით გაიზარდა. აზერბაიჯანის ეკონომიკის 31.8%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 3.9% შეადგინა. სოფლის მეურნეობა კი 1.5%-ით გაფართოვდა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის ივნისში სამომხმარებლო ფასების წლიურმა ზრდამ 4% შეადგინა. ივნისის ინფლაციაში მაღალი წვლილი სურსათის და უაღკოპოლო სასმელების ფასებმა შეიტანა, რომელიც 10.1% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 13%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇦🇷 წარსულში, რეგიონში ფასების დინამიკით სომხეთი გამოირჩეოდა. 2025 წლის ივნისში სამომხმარებლო ფასების წლიური ზრდა 3.9% იყო. ყველაზე მაღალი, 6.2%-იანი ზრდა განათლების სექტორში დაფიქსირდა, ხოლო 2%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.75%-ზე შენარჩუნდა.

🇦🇿 აზერბაიჯანში ინფლაცია შენეულა. 2025 წლის ივნისში სამომხმარებლო ფასების წლიურმა ზრდამ 6% შეადგინა. მაისში ეს ნიშნული 6.3% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. ივნისში მიღებული გადაწყვეტილებით, პოლიტიკის განაკვეთი 7.25%-ზე შენარჩუნდა.